

桂陽陳完夫撰

隱齋文集

序

完夫評事既卒其弟為刊其詩又搜遺文得一卷其彌甥復為刻之以志哀悼余與之共几席廿年初不意其止於此也顧才之成有早暮凡以顏子賈生老壽必更進者皆不達天人者也余於完夫誠無所憾獨憾余老暮之年猶不得死而完夫又不知其即死使早知其壽命不長得死牖下豈不豪無憾乎余嘗於他處見一幅行書五言詩誤以為己作心訝何以了不記及見後款乃完夫也是其詩字已純似余余八十四矣則謂完夫已老壽

也誰曰不然而獨憾其多此一年京塵之染是余
過也夫

乙卯九月十二日王閨運敘

隱齋文集

桂陽陳兆奎完夫撰

湘賦

昔在陶姚鴻苞騰沸文命是專以疏以弼導江滌河埉埵康謐漫漫炎荒舟
楫所迄藪澤南隆蝸蝓瞋瞋繫千里之長原亙終古而滌汨固無煩于禹功
彰荆衡之口德且其上應星桱下屬揚吳越嶠之汭陽朔之陬原漓水而異
流判五嶺之荒區帶嶠觀以振響會洮營而永輸並吞鐘承旁括宜溪控引
沅瀉吐吸資微納羅汨於桓山合五渚於江麋衆川瀉浪共成一津演長派
於絕極委餘波於北垠協山靈而通潤汎微風而揚淪徑衍南交之域鼓唇
東陵之濱所以疏上流之瀼瀼宣顓氣之綢繆其爲狀也澎湃沸瀆泓滋瀟
瀟嚶冥鬱岬忡融曠洩或激隄而鼓濤或隨流而澹莽溼溼淙淙淠淠淠
淠之若不盈一匹放之則彌綸無象灩灩淼漫乍飲乍撇揚清振濁千里浩
汗始焉涓澮渢渢然河漢泱泱乎梁揚之間漑注乎九州之半載炎景而下潤
乃赴勢以前趨九疑爲蒼梧之表石潭爲水澤之都敲霞蒸氣裹山注湖乘

崇邱而四望陋淮濟之尾閭若夫衡岳七二蒼蒼隱天夫容竦傑紫蓋高舉
崑崙嶢峴谿谷蜿蜒飄九轉以疑雲泉飛練而藻川霆响電驚深谷懸開排
流噴浪日夜潺湲漣漪泛澹而東逝厓隙觸沓而南敞風雲之所排盪山川
之所混濇鳥獸爲之怡猶林木與之競爽飄飄紛紛目極神蕩至若洞庭之
湖巴陵地道激湫澱雲激灩澦渺望之無端察之滌浩其廣也蓋五百餘里
若日月出溲於其沼西有君編東對巴丘滢滢鼎峙雙影沉浮聽來潮之濤
灤激逸執而回游趨磊石而正絕儼砥柱於中流微焱起夫別疇匯沅澧於
長洲瀕濫渤汜迸集廣灑萬頃淨滌磔焉犇駭磧礫泓澄滄濤崑崙嘆水德
之靈長羌礚礚而同赴恬濤渟其无涯物駢填而攸注珍異之所溢涌魚鱉
之所响軀其中則有王鮪文魮魴鱣鰭鱖鱗鮠鰕鮓鰾鰓鰻鰮鰪鰫鰾龍鯉擁
劍吹沙拂翼垂翅沈游蜃蜃涵泳乎其厓朝潛蘋藻夕騰膠瀉或拊波而掉
鬣或噴颯而揚沫或流演乎中流或浹滌乎萍末皆順時而霧集儵踊躍而
雲渟其上則有羽族萬類翩翩獮獮鳴鷗天雞飛鳬燕乙鷗鷗鷗鷗子鷗鷗
鷗揮灑颯飈濯翼鳴匹來如電布去如颿疾臨川戲流同聲喧聒職方之所

未詳服不之所難述若夫永昌石燕雁峯陽鳥或應節而自至或昔有而今
無究十分之一端何足以考古而論都其旁則葭蒲稂稂於淵藪杞柏蔥蘢
於曲沚萋萋蘭蕙隨風猗猗幽谷隱翳緣以薜芷翹春華叶秋蕤拂清渠萋
素藥縛組爭暎桃枝蒨葦岐渚星離掩抑波詭質管密布於江潯茅苴襲芳
於別漚長楊臨崖而彌爽紫茸欹水而緜委羅章所以識之於篇靈均所以
獨稱其美若乃波平瀨淺凱風微扇曲浦回通晚霞增絢陽侯潛跡而不興
湘靈鼓瑟而含倩馮夷之所裴回茱萸高之所遊衍沙寸寸而澶沱泉芟芟而
潏汜於是時也舟人集櫂女歌汰吳榜揚纖羅順風鼓颿迫漲縱柁連檣相
屬百里匪遐周施置畢普設罟罟連綱竝舉九罭要遮絡以罾綸截以隄防
拉攏摧弛繚糾跳踉睽睽徒搏髀脇踰躑躅載號載詭者相與涉逕乎汀滢連
鋒揮箚弛弭節擲輪于于連艦者相與容與乎江濆高唱薄天川氣氤氲鳥
獸駭走水族潛奔神蜃躍於重淵獮獮竄於窮谷幽蚪隱於深遠鱗介出於
通瀆擾擾紆紆澈澈遯遯聯緣摧臧拉雜逮越莫不蛻革而戕撐腸而訾腹
尔乃景移物殫餘懽未已櫓舟涉陸寓目芳沚弔屈平之故居訪羅含之遺

址過蒼梧而褭虞懿二妃之專美上營峽而下江眷衡峯之靈歸遂洄沂以周章眴咫尺而千里聊浪乎射蛟之山躑躅乎橘州之汜慨然長望平川如砥洊洊古今遐哉渺已況夫參差殊狀州渚陂陀攬而不濁清而不窪不以細流而捐不以峻源自參控南域以北拱與岷江乎通波託柔壤而下襲協靈爽以迎和鬱泖則急宣沆瀣則駢羅南山蠱蠱潭淪洊洊衡霍束其辟戾大瀦輸其泥沙隨所之以行豈自滿於盈科覩茲川之蕙德信媿美於江河若乃景物澄冢崩原清泌支流之所繇會畎澮之所委積靈澤之所灌溉壤異之所充備箐林之所環峙水物之所叢萃質輕清於元扃襲重霧於濁地毓南服之真精皆關珍而效器嗟鄙辭之褊劣曾何能得其一二

馭馬賦

並序

夫馬之爲物稟性致遠然產有蹇驪之別世無良樂之能或乃隆已卑物末而視之使駟驪屈足於千里驚駟終不得一試康衢致蹶良否並放是非御者之過乎夫禮可飭物必貴防閑聖者握幾豈聞廢物旣設衡而並駕斯翹足而鳴苟馬皆驥德何取仲尼之執御士均賢明奚用虞氏之闢明蓋登進

不必一術而明試則無異方故託馭馬之法以賦求士之旨云

悲茲馬之佶屈兮心軫結而煩冤物有鬱而思奮兮聲有隱而成言夫河騶
驥之殊形兮各憤志而效勤昊穹旣畀之逸足兮將有事乎八垠旣不能跼
跳而遠去兮長反側而難安豈不思任重而致遠兮胡懼我以行路之險難
莽茫茫以坐窘兮思繇綿而舍怨雖託足於帝閑兮終有志乎春原栖栖昂
昂如鳥斯企攄志抽馮如虎如兕隆威外稜蜺局內美蹇產趨趨絳結僣僣
於是乃有方皋善相太丙司御造父參乘伯樂先驅呈才夫逸倫兼納夫蹇
步將託驥以爲率裘騰聲而雙驚頻效駕而裴回先迴翔以遊豫初修剔以
盛儀繼駢田而協度終抑揚以矩規遂倜儻而高舉臨岐路以旁皇復夷猶
而反顧拊鞭策以驅馳條聳擢而循故蹇諤崔峨倥偬皇怖蜿蜿蠃蠃分馳
舛互或却迅進迫或淩略爭赴或胸練冀絕或往來馱屢節已戒而鸞和轡
在手而龍翥續鞞鑿而陰揜文茵粲而霞布摧暘轂而脅游環嚴寶鉸而施
丹矚敝元蹄而飛騰邈塵轍而超據手旣柔而技神馬亦閑而歸趣欣所欲
之從心紛踈足以待馭若夫秋原夙登大火西流王威順時耀兵遐陬鏢鏢

駟牡桓桓大蒐圉人展軫車右鳴騶爾乃歷永埒超平垆料殿最競驍騰飭
六轡以應節兮聲八鸞而揚鈴紛馳迴其電散兮赫剽急其霆轟蹇盧且感
而攸奮兮況乎神駿之鞠駟迴場展轉平隄隨直蹀足驤邁齊于稱力翼容
容其左右軋峨峨其桀特氣繚繚而自紆居悄悄而端嘿案衍夷漫控縱揚
抑飛翮羣驚猛獸顛匐走血鴻融赭沫歔踰修阪而騰鑣屬輦輅而負輓彼
矩度以閑周旋以適施箠策而警其趨振綬縻以距其逆故三驅之術未窮
而六馬之情已得或乃鼓其餘怒沛然東指植髮旁捎睥目高視前乘焱迅
後車邈迤朝馳念於扶桑夕振足於遼沚騁駢衡而赴敵咸驤首而効技音
砢礚而應金足彳亍而隨弭射鳴輓之飛鳥殲驚駕之伏豕歷滄海而紀勛
望碣石而旋趾嗟我馬之旣同信執御之云美昔姬穆之肆遊鳥峙衡而股
傷嗟子期之御趙驚敗駕而同皇彼頻危而致佚均禍發於未防何茲技之
逸豫馳驟中乎圓方雖泛駕之凌遽若接躅於康莊雲螭屬轂月駟並衡稱
德斯舉御變以常庶千里其自至敬朽索而爲綱若乃縱佚率性驚曼是狂
肆其羈馭縱其馳驟晝則踐迹於郊垌夕則淞躍於靈囿遂羣生而蕩閑檢

棄衡輓而苦奔奏斯則莊氏之僞詞而賢者之所陋

秋霖賦

四氣平分兮獨抽思而感秋聲音繇會兮言不可結而留
萋萋之煩緒兮固淫衍而難約臨軒以抒幽興兮志滂沛而氣索將致詞於陽阿兮際重陰之淹泊萬變其情終一寫兮紛余心其可託皇穹之不照臨兮何菅闇之侵尋
曖朝賸於膚寸兮漸涓涓而成淫瞥光晃其條芻兮衆曉然而翳之哀沮洳之被途兮終汎濫而無涯出都門而緬由庚兮擇吉日吾將逝慨零糅其猶未弭兮命僕夫其焉稅望扶桑而太息兮滄祁祁而襲予指岐梁以西邁兮懷故都而鬱紆顧冥昭之莫極兮眇不知其所止逐濛濛以同塵兮又身泰而道否乘回焱以上征兮嗟潢潦之紛委固黯黯其無端兮豈矐朗而獨美行命駕以遐覽兮搏扶搖以披關載鳴鳶於右旌兮馭驂騑使左驂前陽疾以先騁兮後飛廉而下屬紉襲襲之秋蓀兮佩鎗鎗之鳴玉陵崇丘以開襟兮聊以娛吾殷憂傷九州之沈苑兮羌至今而未瘳意悅愉而流盪兮聲慙悽而未休聆麗霖之泅泅兮襲日夜之悠悠居戚戚以多感兮淼綿綿之無

儀響有悄而攸應兮心有鬱而緒微悲寥廓之無紀兮孰不居安而思危雷
填填而在上兮雲冥冥而在下歎淫溢之霑雨兮信斯民之勞瘁攬浮曷之
多瀆兮知陰霾之所假夫豈不知端倪之剝復兮終蹇產而不釋託風雨使
通誠兮見雞鳴之亮節曰吾慕君子之喈喈兮恥後生之惓惓秉靈修而敏
闇兮雖幽晦而終適欲勉升降以上下兮悵猶夷而旁皇弭六龍以容與兮
竊欲攄乎衆香豈憂憂其曠莽兮日宴宴而無光瓊枝菸而無色兮荃薰萎
而不芳何昔日之便娟兮今直如此舛互也豈其所託之匪時兮夫維鬱渥
之故也余以藹葦爲非種兮謂蕭艾爲干豈羌無實而理屈兮獨被澤而華
滋既蹢躅而日進兮復紛暗而充幃固欣欣其自美兮又安知余心之所悲
俛芳艸其猶若斯兮奈何黍稷之離披藐漫漫之飄薄兮何微物而偏施儻
內省而端操兮靈剌剌其無虧吾聞昔人之至言兮陽以制而徵霖昔忽喈
爲亡是兮吾至今而察其滯滯進潦烈而同流兮退慘嘿而不得願正樞以
補天兮又遑遑而無所極怨露晞之乖候兮申余情之佗傺奮褰裳而濡足
兮恐中道而淹滯非持躬之不信兮固憂來之無方寄屏翳以陳言兮庶幾

鑒余以末光

仁孝論

昔先王之治天下也不肅以成不嚴而治濟濟翼翼釀爲隆平推其致治之基皆由邇及遠自家而國仁盛之化豈有異於人乎哉然而季主莫不思治而仁日亡三五垂拱無爲而治日著蓋立本與否之異耳夫本之宜立所以爲仁而孝爲仁之本非孝不成孝不成則是自昧其性人訾其行性行並泯將若之何故不有孝無以稱仁仲尼云夫孝德之本也教所由生由是觀之上自天子下達士庶皆推放而各準並行而不悖者也何則仁猶枝葉也孝猶本根也根之枯者雖有庇蔭本已先蹶根之固者雖有竄藹無不蘇楸故樹之美者先務本君之仁者先稱孝斯誠爲國要道治亂之所由也秦漢而後民行乖舛轉相襲僞莫正其基遂令趨末喪本土無真行朝廷雖有舉孝之科而化不自上匪有應響其選官屬以敦行爲闕茸以認詞爲俊偉其勸學以聲華爲實際以孝友爲糟粕始則託爲訐激終則職爲亂階大臣坐眠而不言小人因循而莫達至使進學無方撥亂無術旣乖周禮六德之意又

非聖經明義之旨如此而欲躋於郅治是猶緣木而求魚也庸可得哉且孝非迂遠之事也行求諸已久而彌章或乃驚於無名舍孝求仁若使孝非近功則是虞舜不須烝烝之化詩人可無嗣服之文矣若謂孝爲可弃則是自失其天何以爲仁反復推較仁遠孝微經邦治戎道生於本可不慎與昔秦皇燔詩書謂儒者爲迂闊魏武好刑名謂求士不必篤行曾不易世而宗社丘虛是昧仁孝之先後乎觀國者當以此爲鑒矣

魏吏治勝蜀吳論

夫視學選士先王所愼量能授職氓黎被澤秦任吏而二世陵夷漢旌賢而文景刑措損益之徵詳于史冊綏世要樞作鑒後葉自炎祚失馭三方鼎峙吳蜀負山川之阻恃兵革之利委任將率驅馳戎馬欲闢中原名魏爲篡曹公歛兵戢武內治其境曾不歷世而吳蜀列於臣妾斯豈天佑權臣民戴姦雄抑宅中馭邊形勢之便蓋聖王撫國必有明驗側陋之識勵士進賢之猷然後流風洽於民心餘徽振於殊域未見善聞不昭郡縣無才而能干竊尊位者也後世見吳蜀之亡於疆富魏武之偏起倉卒不知其要謂爲天授若

然者豈徒昧於治道哉又不攷之於時勢矣夫成敗利鈍天也建官授賢君也撫世長民德也元元之困基於桓靈吏民之敝極於冀雍吳蜀俱席富庶之基據天險之區外不慎選牧令內不與民休息蜀雖僻壤兵報不息吳主驕逸嫌忌日滋二邦之兆庶皆漠然而失望魏武起自孤弱孜孜勵政懼士有遺滯官有曠業申之以明詔置之以爵秩嗣主繼統追則貽軌咨政事於牧守寬年限於貢士豪傑聞風而景附異人依聲而響應於是程昱崔琰郭嘉荀攸之儔入爲卿輔出宣籌畫毛玠何夔徐奕辛毗蔣濟之屬襄其治溫恢田疇郗原涼茂之徒效其能用董昭之言而士流奮從杜恕之諫而黜陟明拔劉馥以撫江淮辟梁習以勸農桑除賈逵以考阿縱令袁渙以安遷民當是時埜無遺士朝多令軌四民安業於下良輔拱揖於上故遂西朝匈奴南括吳蜀莞然焱舉坐乘其弊信哉先王善善之道豈欺我哉詩曰爲謀爲忠亂況斯削告爾憂恤誨爾序爵言謀國貴乎序賢祕之適以啓亂也語曰地利不如人和在德不在險言險阻之不足恃也魏之興也序爵如彼吳蜀之亡如此豈二國之吏士不忠於本朝河北之賢俊不產於吳蜀乎蓋良吏

所以治郡縣以之秉國則國弱將才所以禦外以之治內則民怨口位所以登能口以之求賢則賢卻三者實經世之要機升平之口法吳蜀固多良吏魏士亦非盡賢明是在正身率下自治以治人而已向使吳蜀慎選疆吏絜已勵俗士民靖謐坐鎮千里然後以一介之使偏裨之將宣以威信喻以利害彼魏國且締盟之不暇而況能肆其蠶食之志乎是故明主崇庠序之教納謨士之筭推賢以爲牧守飭吏以拊瘡痍車服以隆升庸之典刑惠以濟政教之窮是以其安也則遠方慕義其危也則天下同憂故能連屬述職指臂相輔收安民之美譽傳國祚於無窮也矣

擬辨亡論上

夫隆弊之機生於不測撥亂之法繫乎其人經世難於懸御善制不能無弊昔者元二遘災皇統中否寇起海隅禍延宇內鋒鏑流乎江甸鼓鼙振於東南疆臣雍容以養姦朝士倉皇而外顧天下曠然危於贅旒文宗奮發深宮乾符默運知宿將之不可任直臣之可蹈死故命勝袁吳曾清望之臣以儒生視師責鮑起豹之坐甲斬青麟以徇軍擢胡林翼以專閫起塔多於部曲

躋羅彭於監司授以殊榮之典不責以殲寇之限容孟明於三敗豁天網於
吞舟帥臣百敗不絀更議名城千失不戮一守總其綱維而勵其廉恥故士
得自奮展其才智軍出私募餉由帥攬閫外有自專之令士卒有必死之期
行軍期於果毅運籌慎於周度而示之以節儉申之以威令寬人勵己旁咨
盡規故同方之俊士效命於疆場湘軍之能戰震威於殊服逮賢相殂謝人
亡政息席中興之業而不知與民休息履富強之基而不察治本合肥李相
南皮張公又從而糜費於無用積數十年之海軍而盡喪於甲午萃各省之
機械而不敵洋軍之徒手疇昔之貽烈遂蕩然而莫振是果今昔之異勢與
毋亦人謀之未臧耳夫物必先腐而後蟲生成敗之效要可預卜湘軍之不
競有自來矣君子負其崇高小人趣於嚙沓儀文太重則詐僞滋生君民閼
塞則弊政日煩風積於上俗應於下信義不著兵食何稱是故外患之生必
基於內侮而成於自私內不相下能無爭乎人人自私能無伐乎爭伐交鬭
危害構之雖有名器之區別步伐之從橫將欲讐荒服而復前徽容可得耶

擬辨亡論下

昔曾胡之治軍也萃鄉閭耜耰之士統以知恥明義之才遠略宏規不患權之我奪推誠卹士不患人之我欺故塔齊布降身以受命左宗棠屏氣而高德靖港師敗而逾勵武昌奏捷而益奮拯皇統於已危埽賊氛於區寓雖戰伐之端不擬於穰苴抑其持已治人之具亦足以言兵矣借使二三良將承之以愷悌之道撫之以廉恥之方追循舊式勤於接物守常經據遠識內可以耜耰干紀外可以威稜絕域斯亦國家之弘利萬世所永賴者也傳曰有法無法因時爲業有度無度因物與合是故聖人不可朽時變是守然則治國治兵之道一也在識其所以守變守變之樞卽內治之道也嗟乎賢哲歿而積蠹深安均昧而貧寡衆卒趣於利民窮於野紀律雖饒衆心瓦解儀文益重言路梗阻詩云人之云亡邦國殄瘁其信然與夫江淮之間非乏俊也軍旅之士非無衆也徽幟之昭非不美也而成敗殊效強弱不同何哉撫士之道乖受命之才異也故先王知壅蔽之由察存亡之機醞化懿綱以對天下其強也王師所指民自爲守敵聞而遯其在詩曰是伐是肆是絕是忽四方以無拂其弱也下有方伯爲王干城故詩曰天子命我城彼朔方諸侯不朝